

滕縣鄉土志

即 140 册

53P

部 =

歷史

本境建置年代

滕縣之名始於隋開皇六年十六年陞為滕郡尋復為縣金大定二十二年陞為滕陽州更置滕縣倚郭屬之元因之明洪武二年廢州以縣屬濟甯府十八年改屬兗州府未置本境之時代



黃帝唐虞

徐州之域 黃帝封第十子於滕滕者取水之騰涌為名也

夏商

徐州之域

滕 黃帝禹殷末滅

薛 禹封奚仲於薛在治南四十里薛城路史仲虺居薛為湯左相自

滕縣鄉土志

一

仲虺上距奚仲十二世仲虺之後曰疇曰摯詩疏西伯昌之母曰太任摯國之女也左傳奚仲居薛後遷於邳

周

青兗之域

滕 殷末黃帝滕滅周武王封異母弟叔繡是為春秋之滕在今治西十五里滕城路史叔繡始居錯故一稱錯叔繡樂正子記初周桓王聞滕侯薛侯朝魯乃徵朝薛以伯往滕以子往王怒皆黜焉自是始稱滕子

薛 周之初封任姓之後畛復國於薛為侯薛國近商魯魯自周公及武公皆娶於薛最後有懿侯宏唐世系表自懿侯上距薛畛三十一世通考薛為宋王偃所滅路史曰楚滅之薛自奚仲至周隱王時凡傳六十四世

小邾 曹姓帝高陽之苗裔也其先出於陸終之第五子晏安晏安受封於曹武王封晏安之後曹俠於邾為附庸國是為邾俠俠生非非生成成生車輔車輔生將新將新生訾父訾父生武公夷父夷父名顏娶盈姓女生子夏父及友其後屢與春秋會盟戰國為楚所滅邾 周宣王時小邾夷父名顏有功於王室王別封其子友於邾為附庸在今治東六里梁水東通志云春秋莊公五年邾犁來朝即此

戰國

靈邱 屬齊在小邾東

徐州 屬齊以薛國為徐州齊魏會徐州而相王即此

滕國 通考周赧王二十九年為宋所滅或曰越滅滕或曰齊滅滕自

叔繡傳三十一世

薛國 屬齊湣王因故薛國封田嬰田文故仍為薛國

秦

薛郡

前漢

蕃縣 屬魯高祖析小邾為蕃縣今縣治是也

薛郡 屬楚高祖析薛置薛郡

戚 屬東海郡七國反楚滅分薛郡為四以戚昌慮屬東海郡

公邱 屬沛郡七國反楚滅分薛郡為四以公邱屬沛郡太平寰宇記

公邱故城在縣東南十五里夏侯嬰初為滕令故為滕公按此時高

祖未立郡縣故滕為秦縣至武帝改為公邱縣

薛縣 屬魯國七國反楚滅分薛郡為四置薛縣與蕃縣併屬魯國

昌慮縣 屬東海郡

後漢

蕃縣 屬魯國豫州刺史部

薛縣 屬魯國豫州刺史部

公邱 屬沛國豫州刺史部

戚縣 屬東海郡徐州刺史部

昌慮 屬東海郡徐州刺史部

桃山縣 方輿紀要東漢置桃山縣屬泰山郡後漢省

三國魏

昌慮郡 魏武三年分東海為昌慮郡尋復省之

沛王國 魏明帝景初二年以公邱併沛之杼秋豐廣戚為沛王國

晉

公邱 屬魯郡

昌慮 屬蘭陵郡

縣鄉土志

蕃縣 屬魯郡

薛 屬魯郡

戚縣 屬東海郡

劉宋

蕃 劉宋克復青徐省戚薛入蕃屬兗州部

昌慮 屬蘭陵郡

元魏

蕃郡 孝昌二年始于徐州部置蕃郡領蕃城永興永福三縣

蕃城縣

永興縣

永福縣

薛縣 孝昌二年置屬彭城郡

昌慮 隸蘭陵郡

南齊

蕃 齊廢蕃郡復省薛縣入蕃封疆由是漸廣
既置本境之時代

隋

滕縣 隋開皇六年改為滕縣復省蘭陵郡之昌慮入彭城郡

滕郡 隋開皇十六年陞為滕郡尋復為縣屬徐州部

唐

滕縣 屬徐州彭城郡隸河南道

北宋

滕縣 隸京東西路屬徐州彭城郡建炎後沒于金為劉豫所據

金

滕縣鄉土志

四

滕陽州 大定二十二年陞為滕陽州 按金史屬縣三滕
沛鄆鎮一陶陽

滕州滕縣 大定二十四年改滕州更置滕縣倚郭屬之隸山東西路

元

滕縣 隸山東西道益都路總管府移滕州治沛

明至

國朝

滕縣 洪武二年廢州以縣屬濟寧府隸山東布政司十八年封建魯
府陞兗州為府降濟寧為州而直屬府焉

政績錄

興利

夏

奚仲始為車

東周

滕文公行井田執親喪著于孟子

漢

夏侯嬰沛人也初嬰為滕令奉車故號滕公史記有傳

金

高彪本名召和先辰州渤海人攝滕陽軍以東諸路兵馬都統撫諭徐宿曹單滕陽皆按堵如故金史有傳

明

薛原義字叔原應天籍由吉水同知陞知滕州恭廉勤儉興學均賦吏服民懷多所創建祠名宦

馬文盛湖廣漢陽人以進士任為人剛果敢行好興作採孟子性善之言建性善書院以課士如文廟城池道路皆繕治置柳栽桑始若拂民

滕縣縣志

五

民終賴之三年以憂去有去思碑黃文雍為之記見府志

王英字彥實山西陽曲縣人以舉人任為人明察尚體要成化間法網疎豪民稍武斷鄉曲間英悉按問株連根蒂無出者境內為之肅然吏尤不敢為奸又委積依常平法歲旱齋沐徒跣徧禱諸祠清介儉約任九年如初工詩文邑雖衝繁退即手一編以滿去民為立碑濟南人鄒襲記見通志

張鐘武功右衛人起家進士嘉靖三年任時邑多流亡田汙萊鐘曰此賦役不均也邑舊收租皆無賴預期算斂侵費後沒家不足償仍重徵之鐘悉黜革選有恆產而善良者為之簿正日封所收於庫由是無逋賦鐘明習法令而出於經術月旦與諸生校文藝亡者復荒者闢民樂業境內大治以憂去民如失慈母云見府志
孫應奎號東谷河南海陽人以給事中言事左遷高平縣丞尋陞知滕

縣直聲動天下單車至縣除前苛法恤孤賑貧獄無繫囚諸客使以應奎故咸引避取他道即過者無敢留任四月遷南京兵部員外郎仕終南京戶部尚書見府志

郭石大同山陰縣舉人嘉靖三十八年任通敏善文法吏事南梁斗子橋圯設募助修之不勞民力見府志

張啟元吉安府龍泉縣人以舉人初授新城教諭陞滕縣令河決壞漕渠大司空奉命鑿新渠啟元擘畫之力居多鄒令章請過漕水上流入南梁水以分三河水勢而新渠可無虞父老大懼壞城赴告大司空不聽啟元以去就爭之於是改築薛河黃甫二壩而鑿支河以殺水勢不兩月壩成滕與郭公並祀之

李松順天府大城縣人以進士授歸安令因案左遷鄧州判官尋擢知滕縣初至書吏六七十人謁試其習文法善書者留三之一部署六曹

掾別舊牘為月期報上沈牘為之一清

趙邦清字仲一陝西真寯人由進士任為人樸率有風力不畏強禦治滕如治家課農桑督紡績如入其室而代為謀滕地大率山瘠湖腴邦清履畝均丈以五等定賦則而民免以薄田輸重租各鄉立社倉蓄穀備賑均戶徭定社圖建丁地石室於縣堂之右一邑井如百姓蒙休焉植樹表道自界河而南數十里柳陰蔽日左右引泉脈為渠藝藕花行人出其中香風冉冉真花縣也實政備見治滕錄父老懷思之比之召父杜母云湯義仍先生嘗稱為真學問真經濟萬曆二十七年陞吏部主事立生祠界河南

見府志

張鵬翼號孚搏永平灤州人以進士授滕縣令癸卯開加河興卒數千日費數百金鵬翼不忍加派請發倉粟數萬石值歲小稔全活甚眾彭宗孟號天承嘉興海鹽人萬戶侯胄子也以畀其弟自攻舉業以進

士授朝城令乙巳調滕性善強記勘擬皆獨裁苞苴自息其始催科不
少假借以後祇懸諭榜一紙民皆爭輸諸曹胥徒不過三五人曰恐其
蠹吾民也追呼之使不下里巷曰恐其擾吾民也凡諸興作非萬不得
已者概寢閣曰恐滋吾民費也蒞任三年民自租稅外如不知有官府
姬文印字士昌號瑤林陝西華州人以萬曆己卯經魁授滕令天啟二
年殉邑難門子魏顯昭罵賊死見明史忠義傳

國朝

陳斌字豪之浙江餘姚人順治七年貳滕時草昧開斌奉委監造沙界
兩營堡督修荆河壩閘挑濬彭口所至恤民節費時綠林嘯聚田荒未
盡安業公單騎戶諭取具田畝開種大兵駐兗濟滕按畝解送芻豆斌
請悉出官顧民賴以蘇

任璣字淑源陝之涇陽人以進士蒞滕治與趙邦清相近會三藩梗命

軍需皆力辦不以煩民訟一鞠得情無留獄暇則與諸生論文平時獎
拔皆能自樹立

楊奇逢順天正紅旗人康熙二十四年任滕歲荒多方撫卹施棺賑粥
捐俸代道賦時濟南河工解柳費幾百倍奇逢沿城鑿池種官柳以備
工改順荆水接地賑費千金滕自是多科第一日出經臨城孀婦門馬
不前問知孀婦遠出有笄女拒奸死一時有龍圖譽至漕米改司斛免
彭口歲挑夫二百均值雇役民尤沐實惠云祀名官

常紳字縉公號還淳直隸雄縣人壬戌進士丙子任滕邑催比舊點甲
頭紳惻然變易行滾單法壩溜等夫僉派不均令納壩料照滾單法施
之不悞工亦不病民

吳允謨字嘉言湖廣黃岡縣人下車即捐俸修聖廟創義學四課士刊
論文十則暇則單車勸農朱姬莊湖與河連秋漲糧艘不能挽允謨築

隄捐俸八百金士民生祠

張觀海字波遠福建甌寧人以舉人選時旱三年地盡赤觀海至乞緩征格於例雍正元年春旱益甚觀海步禱遂雨民無所食乃遽發常平倉粟申上憲得賑帑先是上救荒四事曰截留漕糧曰請通海運曰摘徵太戶曰發帑修城皆獎如所請奉檄挑滕境漕河不足捐俸以濟以工代賑野無餓殍

王爾鑑字在茲河南盧氏人以進士乾隆五年調滕才神捷給吏民懾服修大成殿立學舍捐廉備膏火親都講第甲乙士風遂振禮者宿恤孤貧履勘災稔有巨盜為害爾鑑廉其名勒丁壯擒獲四境以安米濟州志

陳詔字金門雲南楚雄縣舉人由朝城調滕縣令丁亥奉文築城擇紳士廉能者董其事城高深丈尺如素道憲某求賂不獲將因之令增三

版目瞠視曰滕固美缺何太肥詔曰卑職無心病飲水亦肥不在缺也值相國劉文正公過滕詢父老爾令何如曰清官築城何如曰聞公甚勞苦自公來民希見吏實未知築城也相國入訪趙松園先生對如出民口事遂息

吳華號松舟浙江錢塘人壯遊太學書名噪都下乾隆乙巳宰滕歲饑捕劫掠者置重法請於上免河夫施糜粥以工代賑後以憂去服闋擢郡丞干吏議自塞上歸主講道一書院書益精卒葬邑西郊

趙毓駒字盪溪貴州桐梓縣人以舉人大挑履任日邑南關橋不戒於火毓駒往勘貧民毀舍一間卹錢二千孤寡倍之視學諭民敦本業訪孝子節婦及材武士南社地瘠數早有司不為舉毓駒假便宜緩其征城南有盜藪渠魁五華服僕從入縉紳家無敢慢嚴緝立獲四盜並伏誅其一逃會赦有盜例得釋毓駒曰使出害民將復死仍繫之獄

彭斗山字少韓江西安義人以進士令滕英察絕人每放告投牒百數數月後數紙而已前後請建總節坊修大成殿崇聖殿亞聖文昌名宦忠烈孝義鄉賢節婦祠宇一新再修道一書院立課程賓興任滕八載縣試首拔皆得人斗山才有餘故宦橐充盈亦有盛名云惟改丁糧錢戶者半征銀折漕升增制錢七常平廢邑多草竊曹濟劇盜躡境置不理時論惜之

紀明古號石渠濟南平原人以經魁選滕縣教諭課士本實行次文藝捐俸修至聖廟兩廡靈星門戟門文昌名宦各祠甬道多植柏槐垂蔭任十四年門下諸生無訟者康熙丙子致仕

徐州傑字樾羊東昌府臨清州人以康熙甲子經魁司鐸於滕性溫厚清儉而好義贊修至聖廟又賣鄉賢祠東地以廣學基

王縉昭號琨圃諸城世族也以舉人任滕縣教諭詩古時文皆宗匠四

邑之士皆來學所識拔士後俱如其言

去害

明

顧俊吳縣人宣德間授滕縣丞廉正愛民於權豪無所阿避陞知縣尋陞臨清知州行李蕭然

劉暉鐵嶺衛人任遼陽副總兵正德辛未大寇劉六劉七起文安縣亂山東乃調暉率遼陽兵勦之賊方攻滕急暉至乃解是時微暉城幾陷賊去暉選敢死士夜追至呂孟山大破之

王大用永平府盧龍人明習吏事每事必探其弊端六曹吏及胥隸不敢欺扑責不滿二十而人畏之

楊承父大名東明人也為政循循有成法境內帖然尤嚴於穿踰之罪以為大盜者小盜之積也奉職循理六年如一日

吳良能字孩如遼東蓋州人以舉人抵任滕值饑荒山寇大起良能剛果能斷而武畧固素優募勇數百自將之斬捕無算邑賴以安弟良知驍勇善射盜聞名輒潰嘗攻高山寨躍馬上執其渠首歸後失利與所親客王某相抱死壬午臘大兵南下射書城頭得賂即解良能斥書不視曰吾知死節行成非所聞廿四日城陷乃盡殺其家屬拜母而出與親丁十數人巷戰死

張國柱遼東人與邑令吳良能同鄉同榜而不相能壬午大兵破城國柱閉全家於一室巷戰死

國朝

游啟運字夢熊湖廣人由拔貢於順治二年蒞滕為人聰警滕之人士寓目不忘時天下初定土寇乘間發三年亂者益衆啟運激發忠義備禦多方值鎮兵戍滕諸生窮粟一不給拔刀立起公每馳至解之

滕縣鄉土志

十

石美玉遼東籍楚中麻城人也時滕代編東兗二府及棠邑七州縣夫三百餘名美玉仰屋歎嗟會濟甯大挑檄縣出募夫一百四名美玉曰吾方欲為民請命奈何又令賠累乎冒雪追河憲至南旺湖口跪馬首泣訴遂得免前次糧火耗重禁革之

朱光輝三韓人疾吏如仇愛民如子民有獄令自質於庭撥夫調馬不科民一粟一錢輸納悉自封曰不願與民較錙銖也

李鐸字宗楊江蘇興化舉人工書畫乾隆初再為滕令矯然物表以不合上官罷

周大本字立齋貴州鎮遠人乙酉拔貢清以勤嚴而惠喜微行尹滕三月道不拾遺有貴官過索供帳苛執其庖人杖之催科聽民自納無纖毫浮

張國泰號石橋湖南進士知縣事重農興學法令如山無細民豪右斷

如律

董鵬翔直隸經魁履任嫉請託苞苴不與縉紳通
黃大文滋陽人嘉慶初從征川楚多斬獲功拔補滕縣汎把總邑有盜
藪為民患擒其魁再往一賊直前相犯刃不及身者咫尺大文擊之就縛
其一善走窮追一日卒獲之草竊斂迹

聽訟

明

劉纓字與清蘇州吳縣人以戊戌進士成化十九年任才識明決善發
奸摘伏邑有二豪能持吏陰事纓至悉置於法

國朝

陳錫鎔浙江海寧人性清慎撫民如赤子小過誤每溫語勸諭之剖判
曲直不聞鞭扑聲

滕縣鄉土志

十一

馮潮浙江人達於吏事口決手判案無留牘邑土棍名披刀會結黨玩
法痛懲之

汪桂林字粟園順天大興人嘉慶己未進士履任清積年未結八百餘
案扶持善類卒之日官橐如洗有宅一區在省貨之乃歸旅櫬云

傅士奎字漱石祖籍浙江由舉人履任鐵面無私似董鵬翔而慮事縝
密猾胥蠹役無能售其欺日受訟詞吏傳呼無應者閤始閉

孫宗煥號竹嶼四川秀山縣人練明吏事強力足副之日治案牘每撤
輿蓋出入市肆間故周知民患苦宵小皆屏迹時奉憲檄嚴察教匪株
連數百家訊之多無左驗盡釋之

張文林字石渠河南澠池進士履滕縣知縣聽斷酌理準情細鍼密縷
故不動聲色而無冤民堂上自書耐煩二字懸之祀名宦

趙敏功字鑑堂河南進士任滕縣知縣咸豐辛酉擒匪圍城二十七日

敏功鬚髮皓白日夜步行城上激厲守陣者深得人心又於城內掣獲偵探賊十餘名駢誅之城卒以完後以求救兵忤上官去士論惜之鄒崇孟字煦谷廣西臨桂人由進士履滕縣知縣同治初年盜賊遽起陳總兵國瑞平白蓮池之亂崇孟竭誠供應陳大書治化功深字榜其堂邑有郝家寨誤殺勇丁國瑞拔契箭命盡殲之崇孟率邑紳黃來晨力求得免全活甚衆惟時當大亂假權於四鄉練總不免濫誅云洪用舟字蘭楫四川松潘人以拔貢任滕縣知縣創修考棚聽斷明敏西關外有強姦處女不允殺死一案時兇徒方挾女之母呼控用舟察之曰汝是也訊之果然

軍事錄

周

左傳襄四年滅紇侵邾敗於狐駘杜預曰蕃縣東南有狐駘亭亭因山

滕縣鄉土志

十二

以名也狐駘山在縣東南二十里

戰國

史記齊威王元年三晉因齊喪來伐我靈邱按靈邱城在縣東三十里

秦

二世元年項梁乃引兵入薛誅朱雞石見史記項羽紀

二世二年泗川守敗於薛走至戚見史記

二世二年沛公聞項梁在薛往見之項梁益沛公卒五千人見史記

後漢

建武五年進湖陵征董憲又幸蕃遂攻董憲於昌慮大破之見後漢書

光武紀

晉

永和五年時石趙衰亂褚裒帥衆伐趙徑赴彭城魯郡民亦起兵附晉

求援於裒裒遣部將王龕等迎之與趙將李農戰於代陂敗沒按代陂在縣東見方輿紀要

大和六年秦後將軍金城俱難攻蘭陵太守張閔子於桃山桓溫遣兵擊卻之見通鑑

齊

建元三年九月淮北泗州民不樂屬魏常思歸江南齊主多遣間諜誘之於是徐兗之民所在蠶起聚保五固推司馬朗之為主魏遣尉元薛虎子討之遂克五固斬朗之按五固今謂之堽城通鑑輯覽

梁

方輿紀要梁天監五年桓和侵魏兗州進屯孤山魏將樊魯擊破之按魏收志昌慮縣有孤山

大通二年將軍王弁侵魏徐州蕃郡民續靈珍攻郡應梁魏徐州刺史

滕縣鄉土志

十三

楊昱擊斬之弁引還見通鑑

後周

大象二年尉遲迴舉兵相州徐州將席毗羅應之軍於蕃城陷昌慮方輿紀要

隋

大業十年彭城留守董純大敗賊帥張大虎於昌慮方輿紀要

唐

懿宗咸通九年龐勛之亂賊破魚臺近十縣曹翔代王晏權為徐州北面招討使軍於滕沛十年曹翔方圍滕縣聞魏博敗退保兗州秋七月曹翔拔滕縣進擊豐沛賊見通鑑

元

至正二十六年徐州芝麻李起兵據州城因命王宣為招討使率丁夫

從伊蘇復徐州尋授宣淮北義兵都元帥守馬陵調滕州鎮禦且耕且戰以給軍儲續通鑑
至正二十七年三月朔庫庫特穆爾遣兵屯滕州以禦王信續通鑑
至正二十七年十一月庚子吳克滕州初徐達令平章韓政分兵扼黃河以斷山東援兵政乃遣千戶趙實略滕州其守將初議固守已而遁去遂克其城續通鑑

明

天啟二年五月妖賊陷滕知縣姬文印死之門子魏顯昭罵賊被掠死明史有傳

崇禎壬午十二月二十四日

大兵破滕知縣吳良能盡殺其家屬拜母巷戰死之教諭張國柱巷戰死舉家殉焉

滕縣鄉土志

十四

國朝

咸豐十一年三月捻匪圍城二十七日始解去四鄉殺戮甚慘破大廟寨

同治二年四月陳總兵國瑞統兵駐邑城勦鄒縣猴子山白蓮教匪之亂七月教匪平國瑞馭軍嚴肅滕人立生祠祀之後建專祠有邑人黃來麟高熙喆先後撰感恩文

同治四年山東巡撫丁文誠公與捻匪戰於西倉橋敗績

耆舊錄

事業

戰國

然友見孟子

畢戰畢公高喬見孟子

毛遂見史記其塚被發內有石碣始知為薛人

漢

叔孫通史記有傳祀鄉賢

陳胥以卒從起薛從入漢封復陽侯見高帝功臣表

眭宏漢書有傳

馬宮漢書有傳

曹充曹褒父見後漢書曹褒傳

曹褒後漢書有傳

寒朗後漢書有傳

五代

孔知潛舊五代史有傳

宋

滕縣鄉土志

十五

王晏宋史有傳

金

孫鐸金史有傳

蘇潤周蘇愈生裔散居滕之王龔村父温金末盜起遇害温有四子而潤最雄俊潤見金亂聚所善豪士起義師為沛令遷懷遠大將軍任滕州太守威名大著元字魯攻滕州潤巡城中流矢死將屢敗州降

元

夾谷之奇承作瓜爾佳之奇元史有傳

李洞元史有傳

李稷元史有傳

陳敬宗見元史石珪傳

任居敬奚仲喬以辟薦三贊太府拜監察御史始建言性善書院列於